



Kamis, 20 Juni 2024
Ogen: Hagai 1:1-7



"Ukuri Kecibalndu"



Program, e me sada si penting bas organisasi bage pe kegeluhen. Kenca ilakoken program e arus ka nge i tutup alu evaluasi; nggargari kai ndia nilai lebih entah kurang bage pe kai peluang entah ancamen si jadi paksa program e ilakoken. Ertina evaluasi enda pe penting kal idalankenken. Bage pe bangsa Israel, banci sikataken maka mulihna ia bas taneh pembuangan nari ku Jerusalem jadi sada kemegahen, keriahen erkiteken sura-sura si bage enggo ndekah iarapken (iprogramken). I Bas oratenta enda nuriken maka enggo idalanina kegeluhen i Jesurasalem. Meriah kerina ukur, semangat ia ndalanisa pe teridah arah kegeluhenna si erlumba guna majekken rumahna sekalak-sekalak, pekena-kena kegeluhenna. Tapi tupung si e lit kejadi si la bagi ukur e me, sinuan-sinuan (pendahinna) la mereken ulih si mehuli. Melala ierdangkenna benih tapi sitik ngenca iperanina, e maka enggo mbue modal keru ulihna la sekai. Kecewa, tuhu kecewa ngidah si enda. Penungkunenna engkai maka si e jadi?

Guna njabab penungkunen enda nina nabi Hagai, "ukuri kecibalndu?" ibabaina bangsa enda rukur alu mbages kai nge enggo silakokenna. Kepeken bangsa enda asik ngukurken dirina jine, janah lanai mediate kepak Rumah Pertoton. Rumahna pajek mejile tapi Rumah Pertoton tetap runtuh la lit si mpekenasa. Si e ngerehken persinget Dibata, maka labo banci silupakan Dibata si enggo mabai kiniulin bas kegeluhen. Alu kata enda tole si renungen maka bas kegeluhen enda si pemena kel e me ula lupaken Dibata, IA me si enggo mabai kita seh bas paksa enda tetap mejuah-juah. Kerina prestasi si aloken kita i bas Dibata nari kap. E maka tetap mehamat alu mediate nandangi Rumah Pertoton.

"Ngaruh Dibata ku bas kecibalta mbelin kel kap"